

Scheibenschlagen

2016

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huira d'Gurnauer dron.

Bürgermeister & Vize Lutz Thomas Sieß Reinhold

Gute Besserung tia mir z'erscht insem Bürgermeister ausrichta
weil huira kenna mar eppas dichta.
Dr Thomas isch kema aufn Hund
Loss dr sogä, deis isch it so gsund.
Bissa hot des Viech die in dr Hand
So isch ma halt im Kronkastand.
Dr Gemeindeführung an Dank iatz keart
weils Fuirwehrheisli schua recht renoviert da steat.
Angfonga hoba mir im Oktober
Die Gemeindearbeiter und alla Halfer mechta mar ou loubä.
Dass iatz alls no fertig weard
a schiane Raketa in Himmel aua bleart.

Thöni Maria

Dr Maria tia mar fest die Daumen heba,
dass sie ou no in 100er schafft zum drleba.
Mir hoffä dass kua Kronkeit tuasch kriaga
Iaz lossa auf dem Weg dia Scheiba weit ocha fliega.

Fam Juen Klaus Anna

Seit'm Summer kimmt dr Klaus wieder sehr flott daher,
hot der decht iaz a poor Tuningteile mehr.
A neues Fahrwerk hot er sich spendiert,
beim Mensch soll des die Hüfte sein des funktioniert garantiert.
Im Frühjahr wor er zur Feinjustierung, ma sogt ow Reha, in Schruns,
da isch alles guat gloafa Gott verguns.
Iaz tia mar dia Scheiba weit ocha schießa,
und wünsche enk zwoa a schians Johr tiats as geniaßa.

Autohaus Maschler

Deas Johr hot des Autohaus wieder vor zum expandiera,
aber für sowas muas ma earsch an nuia Plotz lukriera.
Da bietet sich der Higl gegenüber super an,
weil ma da ow a bisli Aushubmaterial unterbringa kann.
Da moch er mitm Tschieder wieder gemeinsame Soch,
obwohls da und dett no hackt, eas bringts deas schua zomm, dass i nit loch.
Für guate Zohla und guates gelingen beim Projekt tia mar enk die Dauma heba
und lossa die Scheibe iaz weit ocha schweba.

Siegele Ruth

Long hot di Ruth schua worta miaßa,
bis miar si kenna als Oma bei ins do begriaßa.
Omso greaßer isch dia Freid,
dass iatz a Enkali im Wiagala drin leit.
Den Jakob kann si iatz so richtig verwöhna,
und spaziarä giah, dass si des Poppali an'd Oma tuat gwöhna.
So an Babysitter glei bei der Hond isch nit schlecht,
des isch dr Angelika und im Christian sicher gonz recht.
So a Enkali bringt ins Haus an mords Schwung,
und holtet ou di Oma jung.

Siegele Angelika & Wiedenegger Christian

Mit der Scheiba, dia mar iatz außaschiaßa,
kenna mar an nuia Erdenbürger bei ins do begriaßa.
Zu enkerem Poppala derf mar enk herzlich gratuliera,
mir hoffa, es geats fleißig mit ihm spaziarä.
Dass ma enk amol trifft, am Spielplatz doba auf dr Soga,
ou wenn's a bissli steil isch do aucha mit'm Poppawoga.
Dass der Jakob viel Freid enk sett mocha,
loss mar iatz no an Böller krocha.

Fam Juen Josef Paula

Die Paula hot huira kua leichts Jahrli kett,
Da Stall und da Gorta hoba sie dr gnouma, des isch decht a Gfrett.
Aber wia mar die kenna tuasch olli no im Stall a bissli nochm Rechta schaua,
aber zu dena Hochland Rinder ia muass ma sich erst traua.
Ou da Seppl sigt ma fleißig ums Haus uma spaziera,
tuasch epa schua auf die 80 Feier trainiera??
Miar hoffa es tiats nit um dia Arbeit verdriaßa,
enkr Scheiba wear mar iatz no weit oi schiaßa!

Fam Juen Hubert Erika

Ou die letzta poor Viech sei aus enkr´m Stall iatz verschunda,
Aber es hobat´ s glei wieder an Ersatz dafür gfunda.
Im Herbst hot ma gseicha beim Stall an morts Rouch auf gia,
miar hoba schua gmuant do bleibt nuit mia stia.
Voarna hobat´ s a trum vom Zaun abtroga,
darzua no von dr Paula da gonza Gorta umgroba.
Kurz gseit es hobat´ s da gonza Vorplatz saniert,
und z´guatr letzt no asphaltiert.
Es hot nit lang dauert, noch a sei die Hochland Rinder uma gsprunga,
Also miar sei dr Meinung des isch enk guat glunga.
Iatz schau mar dass mar enkr Scheiba no weit ausi bringa,
miar wünsch a enk für 2016 no a guats gelinga!

Juen Julia

Bei dr Julia gibt's immer viel zum Berichta,
da woas i gar nit wo anfonga zum dichta.
Des pendla auf Serfaus tuat ihr nimmer tauga,
so hot sie sich miasa um an anderen Job schauga.
In Landeck hat's für sie sofort uan geba,
da wearsch die sicher schnell innileba.
In der Liebe gibt's ou wos nuis zum Berichta,
vielleicht gibt's ihn ja beim Scheibenschlagen zum Sichta?!
Dass dir deine weiteren Ziele gelinga,
lass mr dir a Scheiba no weit ausi singa!

Juen Johannes

Ja übern Johannes lasst sich nit viel dichta,
weil man nit oft tuat sichta.

Er tuat fleißig seiner Kocharbeit in Kappl nachgia,
Spaß dron hat er und gfolla tuatsm, was will er mia!?

In seiner Freizeit trifft er sich gera in der Sportsbar in Graf,
wo er Kartna tuat und Kaffeeli schlürfa, ganz brav.

Mir wünscha ihm für nuie Jahr lei s'Allerbest,
und dass mir next's Jahr mia drzeihla kenna,

lass mir dir a Schaiba no weit ausi brenna!Ja übern Johannes lasst sich nit viel
dichta,

weil man nit oft tuat sichta.

Er tuat fleißig seiner Kocharbeit in Kappl nachgia,
Spaß dron hat er und gfolla tuatsm, was will er mia!?

In seiner Freizeit trifft er sich gera in der Sportsbar in Graf,
wo er Kartna tuat und Kaffeeli schlürfa, ganz brav.

Mir wünscha ihm für nuie Jahr lei s'Allerbest,
und dass mir next's Jahr mia drzeihla kenna,

lass mir dir a Schaiba no weit ausi brenna!

Juen Anna-Lena

Bei dr Leina hat sich in dem Jahr ou was nuis ergeiba,
An Job- samt Branchenwechsel, des verändert jo s'Leiba.

Sie tuat sich nimmer in St.Anton im Tourismusbüro umaploga,
na, iatz hot's sie zu uam Architekt ins Büro verschloga.

Mir hoffa des gfallt dir, des klingt mal perfekt,
und dass lei mia auf Landeck muasch isch an guater Nebeneffekt.

Zum Schluss loss mar no an Böller für die krocha,
alles Guate fürs nuie Jahr, des wearsch du schua mocha.

Fam Schmid Helmut Linde

D'Linde tian miar heint amol nit ploga,
sondern vom Helli miassa miar enk eppas sogä.
Voar a poor Jahr schofft er si a neue Motorsoga on,
ober aus Gwohnheit kimmt decht olli nou die olte dron.
S'letscht Jahr hot er ober decht die nui ausprobiert,
ober des Maschinli hot uanfoch nit funktioniert.
Uans hot der Helli ober glei gmerkt, daß eppas nit stimmt,
zerlegt und putzt, d'rzu a bissli gflucht, bis der Harry kimmt.
Dös Probelm wor nochä gleich vom Tisch,
weil beim tanka Benzin und Öl vertauscht gwoara isch.
Daß dir deas s'negscht mol numma passiert,
iatz für enk nou a Raketa auimaschiert.

Fam Schmid Harald Angelika

D'Angelika tuat aus der Tageszeitung und d'Bezirksblattla locha,
sag amol was tuasch du für Projekte mocha.
"Wintersport an Schula" hasch di fescht engagiert,
und glei drau bisch auf a Pressekonferenz marschiert.
Greicht hat des allemal zun "Spruch der Woche" in der Rundschau
mir schicka dir iatz a Raketa drau.
In Harald hat ma leatscht's Jahr ganz oft g'seacha nach Graf marschiera,
weil deart hat'r missa in Umbau von d'r Fuierwehralle koordiniera.
Er hat dafür g'sorgt, dass jeder hat eppas zum tian,
ausgeruht hat da kenna kuaner huam giahn.
Für dia Arbeit mechta m'r Danke saga,
oaner muss ja die Verantwortung traga.
Im Winter tuat d'r Harald laut eigenen Ansagen schua lang nimmer Schikurse
geba,
lei Harald, warum sieht ma die olli öfters in See mit Gäst über die Pista fega?

Schmid Daniel

Dar Daniel steat mit Hemd und Krawatte,
olli pünktlich zur Öffnungszeit beim XXX-Lutz in Zams auf der Matte.
Da sigt ma ihn da gonza Tag da Leit die Sofas verkoufa,
Laarer isch bei ihm no kuaner Huam gloufa.
Jedoch bei die Preise lott er sich nit treiba,
wer was verdiena will muass do hart bleiba.
Aber wenn er sigt von ma hübschen Mädchen a Locha,
nochä kann er auf uamol am Preis decht no was mocha.
Iatz wear mar dei Scheiba no weit ausi hua,
miar hoffä die FF kann ou huira wieder voll auf die baua!!

Schmid Thomas

Dr Thomas tuat beim Fuassboll olli voll Gas geiba,
und bei die Schönwießer die Stolla hea heiba.
Aber sei groaße Leidenschaft weart schua decht s' ski fohra sei,
des tuat er mol vo ende Oktober bis Mitte Mai.
Wenn er untertogs nit zum skifohra kimmt,
sigt ma spätestens wia er beim Nachtskilauf die Piste oa schwingt.
Als fanatischer Rennläufer isch er bekannt,
fohrt für dia Renna quer durchs gonze Land.
Miar hoffa du konnsch huira a poor Renna gwinna,
iatz schau mar dass mar dei Scheiba weit oi bringa!

Fam Grießer Hubert Rosmarie

Di Rosi denkt si, 10 Jahr da Frauabund fiahra, do wearts Zeit,
dass es bei dem Verein vornadron an Wechsel geit.
Den Frauenbund tuat iatz a nuis Team verwolta,
ober a poor Jeppla will sich die Rosi no kolta,
di Wollfohrt und da Suppatog,
organisiert sie weiterhin, des isch kua Frog.
Beim Organisiera isch die Rosi sowieso guat,
ou wenn der Frauenchor in Ausflug fohra tuat.
Auf Meersburg zum Weinfescht wor des Ziel,
mit ollem drum und dron, do isch z'tia recht viel.
Vo vorna bis hinta hot si olls organisiert
sogor dr Hanspeter als Fohrer wor wieder engagiert.
Dia Raketa loss mar in Himmel marschiara,
Rosi, tua dein Unternehmungsgesicht nu nit verliara.

Grießer Elisabeth

Die Elisabeth hot ma huira öfters gseicha mit ihrem Freind aufn Berg aui gia,
Du wolltesch zwar lei bis zur Hitta aber er bleibt vorm Gipfel numma stia.
Am Wochenende sigt ma die oft in Gurnau logiera,
und z' mittag losch dr von dr Rosie des Essa serviera.
danach no a schnelli Nachspeis verputza,
wenn ma schua mol dahuam isch muass ma des ausnutza.
Danach muass hollt an Verdaungsspaziergang sei,
Do isch dr Hubert und die Rosi ou gern mit dabei.
Iatz hau mar no weit ausi, dei Scheiba,
miar hoffa du losch die huira nit komplett vo ins do vertreiba!

Fam Scheiber Helmut Martha

Dass sich des Orbeiten des gonze Johr rentiert.
hat sich die Martha ou amol an Urlaub spendiert.
In Süden gings der Erholung wegen.
da isch Ischia am Meer ja an großer Segen.
Mit der Kochtruppe wor sie am Weg und zwor ohne Ihren Mann
der hot drweil dahuam zoagt wos er kann.
Ob er aufs Haus ou oder nur auf die Biena gschaut hot woas ma nit genau.
aber da isch sei Frau sicher nomal so schlau.
Iatz tia mar dia Scheibe weit ocha schießa
dass es ow kennts die nächsten Jahre so genießa.

Scheiber Robert

Mit Robi seim Auto war`s letschtes Jahr a morz gfret,
drum hat er den ganzen Summer kuan`s ket.
A anderes hat er sich nacha koaft,
deas aws halt grad und grad nou sou loaft.
Im Auto isch`s dem robie eh viel z`fad,
drum isch er alli mitm Moped am gjag.
Bis achi an`s Meer hat`s ihn trieba,
und glücklicher Weis isch er it amal liega blieba.
Gar aso gfalla hat`s eam da dunta itta,
drum fährt er liaber auf seim Opa die Hitta.
Zum fuira tat dr Robi da a paar trukne Äscht braucha,
aber für dia muaß ma halt ganz weit auf di Beam aucha.
Ahi isch es nacha schneller ganga,
aber Gott sei Dank hat ihn der harte Boda aufgfanga.
A soa an Sturz isch wohl betroga,
sogar dem Robert hat`s sei Gstell verboga.
In seinem Alter sett ma`s halt it übertreiba,
sinsch kann uam nou a Rugga leida bleiba.
Miar hoffa es geat dir iatz wieder guat,
und hohla dir dafür a Scheiba aus der Gluat.

Scheiber Peter

Ou insern Vizekommandant tia mar bei ins heint da begrießa,
so oft wie der in Imst dunta isch duat er sicher schua fast verdriaßa.
Die Freundin tuat ihn mit guata Argumente alli wieder ocha locka,
aber wenn man braucht ischr zur Stell er isch holt an hilfsbereita Socka.
Da kann er no so miad vom Nachtdienst huamkema,
a poor Stund auf dr Baustell weiterarbeita da konn ma sich dron gwena.
Ob mol a einges Haus baua willsch, wissa mar nit genau
Aber durch die Erfahrung beir Feuerwehrhalle bisch dett nocha glei noamol so
schlau.
Iaz hola mar ausm Feuer extra für die a neue Scheiba,
und tia sie mit aller Gwolt den Bichl owatreiba.

Scheiber Markus

Im Winter sigt ma in Markus oft Skifahrn gian
A präparierte Pischte ochizfarn isch ja ou schina
Bei einige Skireнна tuat dr Markus voller Ehrgeiz mit
damit haltet ma sich ja ou reichlich fit
s´ trainiera für die renna muas aber decht no sein
denn damit isch ma glei vorn mit dabei.
Ou beim Umbau von dr Halla war er fleißi dabei
Und hat immer kholfä deas war fei.
Egal ob schemma, schala oder verputza
Dr markus tuat die Zeit für feierwehr sinnvoll nutza
Für dein Fleiß und alla aufbrachta stunda
Mecht ma dir dankä und lassa de scheiba weit ausi marschira.

Scheiber Michael

Im Michael wear mar iatz mal zur bestandenenen Matura gratuliera,
iatz kannsch dei Zimmer mit uanr Auszeichnung verziara,
auf des loss mr iatz a Raketa weit auchi marschiera.
Im Sommer war er bei der Tiwag als Ferialpraktikant,
da war er mit seim Firmenauto unterwegs ganz rasant.
Danach hat er miasa zum Militär,
so hat er glei mia Zeit für die Fuierwehr.
Mir hoban gseha Atemschutzkurs gian,
iatz homar an weitera Atemschutzmann in Gurnau stian.
Der Bursche hat ou sou gnuag Stress,
macht er no allerhand für sei Fitness.
Iatz sieht man in Innsbruck für die Sportaufnahmeprüfung trainieren,
hoffentlich tuasch de ou positiv absolviera.
Dass des weiterhin alles so guat tuat funktioniera,
tia mar dir iatz no an Böller spendiera.

Fam Rainalter Eckehardt Hella

Der Eki und die Hella haba Huir a morz Fescht organisiert,
und für deas die halbe Wiesa plantiert!
A rießen Zelt haba sie dafür natürlich ou braucht,
deas hat aber den Eki nu mental toll gschlaucht!
A ruhiges Familientreffen hat deas weara sella,
nu der Wettergott hatt it gar aso wella!
Aus deara Wiesa haba sie an morz Acker gmacht,
und bis auf di Autofahrer haba alle glacht!
Aus Angst dass die Gäst beim ausi fahra versinka,
sein se liaber länger blieba um fertig zu trinka!
Miar hoffa deas Fescht isch an Erfolg gwesa,
auf deas dass schiane Erinnerungga bleiba, und it lei di Spesa!
Dass enk deas keamate Jahr viel Glück bringt,
enkere Scheiba hoffentli weit ausi singt!

Fam Huber Robert Gabi

Über'n Hansrobert gabs so einiges zu berichtta,
ober heint tian miar über sein Schonza dichta.
für seini Enkel hot er schuan im Herbscht mit Schaltofla a Schonza baut
in der Hoffnung, daß es bis Weihnachten an Schnee draufhaut.
Dia Schonza hot miaßa im trocknen stiahn,
bei dem Wetter muasch dös ober schuan verstiahn.
Vielleicht weard dös s'negscht Johr gelinga,
daß enkeri Enkel kenna über dein Schonza springa.

Fam Schütz Egon Sissi

Ja der Egon und die Sissy inser Pensionistenpaar,
leben ihr Leben echt wunderbar.
Sie sei im Jahr so lange auf der Sause,
da wearats fast fremd in enkerem Zuhause.
Seis auf a Schiff oder zur Tochter auf Wian,
es lasst's enk wirklich nix abgian.
Den Urlaub heuer - tiats den ja genießen,
und für uns paar tolle Fotos schießen.
Der Egon isch für die Arbeit an der Halle olli bereit,
du bisch a große Hilfe - isch echt a Freid.
A bissl a Arbeit steat no an,
Mir brauchen weiterhin jeden starken Mann.
Dass es no weiterhin habts paar schöne Reisen,
lass mr iatz no a Scheiba in die Nacht kreisen.

Schrott Werner Gudrun

Dia Scheiba isch aussu, weit und schian,
iatz bleiba miar bam Bruder vor Sissy stiahn.
Auf insererer Homepage, sein si ou in Deutschlond bestens informiert
und wissa olli, wos in Grof und Gurnau passiert.
A Raketa iatz in Nochtimmel singt,
weil dös für insere Kassa wieder a poor Euro bringt.

Schütz Florian & Babsi

Sie hoba sich traut, deas muas ma glei am Anfang sogu,
warum hat deas so lang dauert? Weara sich viele Froga.
Deas Poltern vum Flo hat er wohl geara nach hinta gschoba,
um 6e im Bett, deas kannsch decht kaum gluaba.
An große Aufwand hat ma da betriebe und a Spanferkel bis ins Verwall icha
gfahrt,
aber deas war im Flo wurscht, deas hat er nit amol probiert.
Die Hochzeit vu dar Babsi und vum Flo war wunderbar und iatz sein sie auf ewig
verbunda,
am Abad hoba sie no an Haufa Bierkista auf dar Terasse gfunda.
A so a schians Geschenk, mit deam hobats eas wohl nit spekuliert,
dafür hobats beim zurgg geaba an Haufa Pfand kassiert.
Enk zwoa winscha mar für die gemeinsame Zukunft s'Allrebescht,
auf das der Böller krocht richtig fescht.

Fam Larcher Peter Margret

A Raketa lossa mar iatz weit aua joga,
weil mir miaßa beim Peter und dr Margret saggrisch dankschia sogä.
S'Fuirwehrauto hoba mar in enkerem Carport parka kenna,
beim Einsotz hoba mar so nit weit zum Auto miaßa renna.
Onzapft hob mar ou a bissli enkern Strom,
weil ma die Funkgeräte und die Pumpa sinsch nit hoba kann.
Iatz kimmt für'n Peter bold wieder die Urlaubs- und Reisezeit,
sein Campingbus isch sicher schua long einsotzbereit.
Kaum isch es wärmer, donn isch der guate Monn,
mit seim Wohnmobil auf und davon.
Er fohrt drauflos und bleibt, wo's ihm gfollt und so long er will,
wenn er wieder huamkimmt hot er zum drzähla gonz viel.

Larcher Mathias u. Simone

A Raketa lassa m'r glei in Himmel marschiera,
und d'Fuirwehr tuat enk ganz herzlich zur Emma gratuliera.
Mit zwoa Kinder gibt's olli viel zum tian,
aber deas tuat ma gera, weil's ou isch ganz schian.
An Böller tian m'r iatz no durch's Feuer joga,
und hoffa die Kinder tian enk no a Weile ploga.

Vogt Irene

Die Irene ,des hom mar kenna in Erfahrung bringa,
tuat als Ski Lehrerin die Pista am Venet oi schwinga.
Nit lei da Erwachsenen ,des war z' fei,
na ou da Kinder bringt sie des ski fohra bei.
Dia Kluana kenna oft schua sehr anstrengend sei,
Aber des meistert sie ou einwandfrei.
Iatz houl mar für die no dei Scheiba aus dr Gluat,
Miar hoffa diar taugt's da douba decht gonz guat!

Vogt Herta

Bei Herta`s Renovierung schaut`s mittlerweile ou nimma so schlecht aus,
zumindest dia bei ihrem Haus!

Gmacht hat sie iatz den Balkon und di Fassad,
und zwischadurch hat sie nou den Rasa dermaht!

Um`s Haus umma isch iatz alees gmacht,
da hat die Herta glei drau amal glacht!

Dafür fangts iatz mit die Geräte ummadum an,
und sofort war der Fernseher und di Waschmaschin dran!

An nuia hat natürlich glei hea miaßa,
sinsch tat ins di Herta zum Schluss nou anfanga verdriaßa!

A Gerät zum anschaua und zum aufnehma muaß es sein,
weil deas tunkt selbscht di Irena ganz fein!

Aus dass in Zukunft alles wieder guat funktioniert,
dia Scheiba iatz weit ausi katapultiert!

Fam Schultes Hubert Brigitte

Dia Scheiba was iatz kimmt,
dem Hubert und der Brigitti hoffentli viel Glück Huiru bringt.
Miar tata ganz geara amal eppes hetzigs berichta,
aber derfragt haba miar it viel, drum weards schwierig zum dichta.
Desswega winsch mar enk a gsundes Jahr und tiat`s ins gsund bleiba,
und hoffentli tuat`s dia Scheiba extra weit ausi treiba.

Fam Marth Edmund Helene

Mit deara Scheiba isch iatz der Edi und d'Helene dron
Wo man schwar eppas schreiba kann.
D'r Nöni draht jeden Tog seini Runda,
und s'Nali verbringt mit d' Enkel viele Stunda.
Dös holtet jung ,dös kenna miar ou sogu,
drum tian miar zu Scheiba nou a Raketa auchjoga.

Fam Landerer Franz Elfriede

Aso a Skitour deas isch a feine Gschicht,
an guate Schnea und frische Luft im Gsicht.
Doch manchmal isch der Weg das Ziel,
da zählt dar Gipfel numma viel.
So geahnts ou im Franz, wia sell mar sogä,
a Einkehr in dar Latschen Hütte tuats decht guat vertroga.
Aber, Franz deas isch schua richtig so und sicher alli wieder fein,
isch decht viel besser als wia alluan am Gipfel doba sein.
Eppas wichtigs nou zum Schluss,
im nächsta Johr nu kuan Verdruss.
Miar winscha enk zwoa s'allerbescht,
der Böller set knolla sakrisch fescht.

Fam Würthenberger Claudia u. Armin

A moderne Familie kann ma daran erkenna,
dass ma sieht ou da Papa mitm Kinderwoga uma renna.
Dar Armin isch in Kinderkarenz deas finda mar guat,
an Mann der für seine Kinder alles tuat.
Die Claudia isch aufm Weg in die Arbeit immer sportlich am Start,
aber stimmt deas, dass in deem Radli alli an Motor mit schnarrt?
Die Ausbildung zur Steuerberaterin macht sie ou nou nebenbei,
sag Claudia, nimmsch dar du o amol frei?
Miar lossa iatz a Scheiba fliaga,
und eas settats ou nou a Raketa kriaga.

Öttl Wolfgang Christina

Beim Wolfgang und der Christl miaß mar iatz nacha an Spion anstella,
wenn mar da amal was derfraga wella.
Wer woäß vielleicht derfrag mar was hetzigs für` s nagshte Jahr,
ins tat sall morz mäßig gfreia, deas isch ja klar.
Miar hoffa eas seit´ s Gsund und enk geats guat,
und dass es so bleibt hohla miar enk iatz a Scheiba aus der Gluat.

Fam Pfeifer Karl Brigitte

Camping mag nit jeder, deas isch a Leidenschaft und a Passion,
und ma kann sie kaum erworta, die nuie Saison.
Weil der Wohnwoga irgendwann uanfach z'kluan gwoara isch,
war glei an nuia Vorschlag aufm Tisch.
An rollender Container isch dar letschte Schrei,
sogats, isch da ou an Whirlpool mit dabei?
Dean hoba dar Karl und die Brigitte in Lazise stationiert,
a schians Stadtli am Gardasee deas viele fasziniert.
Am Sea wünscha mar enk viele schiane Stunda,
und zum Schluss hoba mar nou a Scheiba in dar Gluat dinna gfunda.

Pekar Manfred und Sabine

Nu arbeita, deas isch o nit die Erfüllung im Leaba,
zum Ausgleich tuat dar Manfred geara in die Lüfte abheaba.
Paragliden isch sicher an spannender und anspruchsvoller Zeitvertreib,
und da doaba in der Höhe verbringsch sicher a schiane Zeit.
Im Winter kann ma deas Hobby aber nit sou guat mocha,
drum fahrt dar Manfred liaber an Tiafschneehong ocha.
An guate Schnea bei dar negschta Tour und tua nit folla,
drum lossa mar iatz an Böller knolla.

Sailer Gerhard & Brigitte

Ja, ja, wenna a'Auto steacht alli im Freia,
isch as im Winter in der Friaht gfroara, deas isch ja zum schreia.
Was isch as beschte was ma mocha kann?
ma baut an sei Haus a Carport dron.
Sou kann dar Mitsubishi schian im truckana stiahn,
und s'losfohra in dar Friaht isch iatz ou schian.
Aber mitm Hund muas ma decht ins schlechte Wetter ausa,
jeden Tog am Weg, bei Wind und Wetter, so manchen tats grausa.
Übern Bock schiaßa mar iatz nou a Scheiba,
und tiats im nuia Johr ou wieder brav bleiba.

Fam Carpentari Jürgen Sonja

Die Sonja tuat sich beruflich olli für neue Sacha interessiera,
und dafür ou viel Zeit in Ausbildungen investiera.
Als Wundmanagerin tuat sie die Leit iatz optimal versorga,
da gibt's d'rnach bei die Patienten sicher kuane Sorgen.
D'Fuierwehr tuat dir ou no ganz herzlich gratuliera,
und dafür lassa m'r a Raketa in Himmel marschiera.

Carpentari Reinhard & Pedross Eva

Dar Reinhard und die Eva hoba sich an anständige Tour ausdenkt,
und ihre Radla vum Rescha bis nach Rom ocha glenkt.
Deas isch ja wirklich furchtbar weit,
aber sicher schian so a Tour zu zweit.
Aber deas alluan hot nou nit glongt,
sie hoba nou ausgstreckt Richtung Papst ihr Hand.
An ara Audienz hoba sie teilgnoahma und sich an Segen gkolt,
und nocha sein sie mitm Zug wieder huamwerts grollt.
Im Winter isch Sicherheit a großes Thema,
wenn ma Toura geahrt set ma ou a gscheide Ausrüstung mitneahma.
An Airbag am Buggl isch da sicher nit verkeahrt,
dear erhöht die Sicherheit ungemein, wia ma sou heart.
Dia Scheiba saust außa wia a Lawina ins Tal,
a Raketa darzu, dass as leichtat nou amol.

Carpentari Lukas

Jo der Luggi kann auf a ereignisreiches Jahr zruggblicka,
es war sicher nicht leicht und hot ket seine Ticka.
Die Matura hot er ou schua in der Tasche - nit zum fossa,
drum hat er sichs bei der Maturareise guat gian lossa.
Im Herbst hot der Lukas bei der Rettung in Zams den Zivildienst angfonga,
aber du wearsch seicha, der isch in Nullkommanix vergonga.
Seine feuerwehrtechnischen Kompetenzen hot er huier ou ausbaut,
zom mit seim Spezl im Michi hat er sich in Atemschutzkurs in Telfs angeschaut.
Iatz hosch jo no genug Zeit um dir Gedanken über dei berufliche Zukunft zu
mocha,
dass dein Lieblingsberuf ou griagsch, loss mar dir no an lauta Böller krocha!

Fam Carpentari Reinhard Marlies

Dar Reinhard hat a zündente Idee und setzt dia glei um,
iatz fahlt lei mia dar Schnea, aber seis drum.
An Pfluag hot er montiert auf sei Fräse voarna drauf,
obs iatz isch an Pfluag oder a Fräse, deas wissa mar gar nit genau.
Mocha konnsch iatz beids damit,
so bisch auf jedenfall winterfit.
Miar schloga a Scheiba ocha in Groba,
iatz miaßts lei nou an gscheida Schnea hoba.

Fam Kurz Julia Alexander

Enk sigt ma seit huira mit ma nuia Range Rover um die Kurva schneida,
mit dem Auto hobat´s Summer wie Winter auf und ab kuane Leida.
Aber wenn enkri Auto so weiter wochsa, miar wella nit übertreiba,
tuat enk als negstes Auto lei mia an Bus überbleiba.
Wenn dr Alex schua mol dabei isch bei schaua um nuie Socha,
hott er sich denkt kannt er ou arbeitsmäßig was nuis mocha.
In Tunnel, des wollt er olli schua mol tia,
Iatz sigt man im Arlbergtunnel seiner nuia Arbeit nach gia.
Aber länger well mar enk iatz numma ploga,
enkr Scheiba wear mar iatz no bis in die Sanna oi schloga!

Wilhelm Karin

Beim schlechta Wetter muas ma schaua wie ma sei Auto schützt,
a nuie Garage deas sicher unterstützt.
Leider isch beim Aushub a Malheur passiert,
dar Bagger hat die Wasserleitung vum Schütz Erwin masakriert.
So eppas passiert und ma kanns ja flicka,
und danach kann ma s'Wasser wieder zum Erwin schicka.
Dia Schnellstraß Richtung Arlberg isch so manchsmal richtig laut,
es war besser wenn die Asfinag an gscheida Lärmschutz baut.
Daher muas ma o die Lautstärke messa, ja wer sell deas tian?
Am beschta machts die Karin selber, nocha kann nix schief giahn.
A Scheiba schiaßa mar außa für di,
hoffentlich geht nit no amol a Wasserleitung hin.

Pfisterer Dieter Christine

Der Dieter weard schua wieder ganz hart warta,
dass er ausi kimmt mit´m Radl aus seim Garta.
Ganz an haufa Kilometer macht der Dieter jedes Jahr,
und di Christine unterstütz ihn dabei, deas isch ja klar.
Miar hoffa eas habat`s nou lang an Spaß an der Sach,
und schloga enk iatz a Scheiba, hoffentli bis zum Bach.

Pfisterer Peter

Dr Piet und die Carina hoba sich ihre Wohnung umbaut,
dabei hoba sie Stunda Long Kucha und Bäder ongschaut.
Es hobat` s enk da gonza ersta Stock hea grichtet,
und zom sicher an haufa Stunda verrichtet.
In dr Freizeit sigt ma da Piet des öfteren auf da Touraski stia,
Womit er tuat auf jeden Berg aui gia.
Beim oi fohra tuat er nit ungeara an Einkehrschwung mocha,
do heart man nocha beim ma Bierli über die Witzla locha.
Miar wünsch a enk in dr nuia Wohnung a poor schiane Stunda,
für enk hom mar no a schiane Scheiba in dr Gluat drin gfunda!

Fam Haag Sabine u. Peter

Beim Peter und der Sabine weara di Parkplätz ou alli mia,
deas isch it lei praktisch sondern ou schia.
Di Mauer isch fertig, der Kies isch vertoalt,
iatz isch der Peter vom Buggla für huira koalt.
Huira kennat` s enkara Garta vielleicht nou mia genieß a,
und schaut` s d Bluama zua wia sa vo selber spriaß a.
Dia Scheiba was iatz kimmt, keart enk für` s huirige Jahr,
miar hoffa sie fliagt weit, sall isch wohl klar.

Fam Schütz Erwin Christine

Beim Erwin und der Christiene steat Huira a morz Projekt an,
weil iatz isch endlich der Kallar amal dran!
Es isch an haufa Arbeit, deas isch klar,
aber rentiera tuat sich` s sicher allemal!
Geaba sells a Kucha um dia Cocktails zum prepariera,
damit d` Christine nit alli muaß auf und ab maschiera!
Miar sein ins sicher eas machat` s da nu schiane Sacha,
und hoffa eas tiats beim arbeita it viel fluacha und dafür mehr lacha!
Auf dass es enk ou tuat guat gelinga,
lassa miar enk iatz nou a Scheiba ganz weit ausa singa!

Fam Schütz Manuel Regina

Bei Manu&Gini`s Nachbarn isch Huira a morz Baustell beim loafa,
vor lauter Eifer hatta sie bald miassa a nuie Garage koafa!
Dia Walza hat dem Manu bald die Stimmung versaut,
weil sie hat ihm a schiachs Egg eini gehaut!
Es isch it lei voarna bei der Garage alles verboaga,
na ou di Legga steat iatz schief, deas isch wohl betroaga!
So wia miar den Manu und die Gini kenna, isch deas sicher glei wieder alles
repariert,
und di Holzlegga nui justiert!
Dia Scheiba was iatz kimmt,
enk im nägschta Jahr vielleicht wieder mehr Glück bringt!

Fam Walter Markus Sybille

Die Schneetog huira sein recht rar,
wenns amol guat geht, ob auf die Piste mit „Hurra“.
Ou die Sybille hat sich denkt heint nutz i da Schnea amol aus,
und geht mit die Ski Richtung Kappl ausm Haus.
Aber det ischas noch leider passiert,
die Sybille und ihre Schulter sein mit dar Piste kollidiert.
Deas gibt an longa Krankenstand,
guat dass da isch a guate Vertretung bei dar Hand.
Ihre Tochter die Chiara mocht nämlich im Salon die Lehr,
so schneidet uam die Hoor nit uanfach irgendwer.
Alles Gute und a schnelle Besserung,
a Raketa, damit der Heilungsprozess kimmt richtig in Schwung.

Walter Berta

Jo über die Berta gibt's nit viel zum Berichta des steat fest,
drum will dir die Fuierwehr wünscha lei s'Allerbest.
Geah lei oft spaziera
und loss die va deir Krankheit nit unterkriega.
Gute Besserung und Glück für die nächste Zeit,
drum schiaß mar dia Scheiba iatz ausa ganz weit.

Senn Michaela

In Notters im Kronkahaas der Orbeitsplotz,
isch hold viel zweit weck vo dahuam und vo ihrem Schotz.
Drum hot si pockt dia Gelegenheit
und isch zruck kema noch Londeck vor gor nit longer Zeit.
Im Oltersheim in Londeck, do bisch glei doba,
und d'Orbeit geahrt dir do sicher nit aus, sall tia mar dr globa.
Di Michi, voll motiviert und jung,
bringt in dia Bude sicher an heida Schwung.

Senn Verena

2015 wor für die Verena a bsundrigs Johr
da sein bei Ihr gwoara so einige Wünsche wohr.
Seit kurzen draht sie dr Uni in Rugga zua
und hot somit von da Professoren ou amol a Ruah.
Ou privat tuat sich so einiges bei dr blonden Madam.
bald kimmt ou sie vorm Standesbeamten dran.
Das a Verlobung an Vorvertrag isch woas sie als Ex Jura Studentin genau
Und weart somit woll in nächster Zeit im Christian sei Frau.
In dem Johr weart sich viel bei dir tia
aber bleib a Gurnauerin im Herzen deas war schia.

Senn Anna

Iatz tia mar a Raketa weit aua schiaßa,
und damit insere älteste Gurnauerin begriaßa.
Wenn ma so olt isch, nocha isch es a Strapaz mit der Kocherei,
drum tunkt die Anna des Essen auf Räder richtig fei.
Gsellschoft und Leit um di hosch du olle ket gonz geara,
drum gfreisch di fescht, wenn deine Kinder und Enkel fleißig bei dir zuakeara.
Auf an Ratscher und a Glasli Bier oder Wein,
gmiatli zommhocka, so sell des sein.
Anna, mir wünsch dir für des Johr viel Gsundheit und Gottes Segga,
bis zum nächsta Johr, wenn mar wieder a Scheiba für di in'd Gluat icha lega.

Fam Senn Werner Brigitte

Dr Werner hot nit nu bei der Orbeit, sondern ou am Wochenende a genaue Struktur,
am Freitag Abend kimmt er huam, do konnsch drnoch stella die Uhr.
Am Somstog in der Friah weart di To-do-Liste von der Brigitte obgeorbeitet, do isch si stur,
bevor's endli außa geaht, in die freie Natur.
A Sporteinheit, des muaß jedes Wochenend sei,
im Summer mit'm Radla und im Winter mit da Touraschi, des tunkt in Werner fei.
Kaum kimmt er huam isch dr Wellnessraum und die Infrarotkabine sei Favorit,
do nimmt er nit die Brigitte, sondern sei Tablet mit.
Sei Stommtischrunde im Gasthof Gemse hot am Programm ou sein fixa Platz,
und a bissli Zeit set jo ou no übrig bleiba für sein Schotz!
So a Wochenende isch uma wia im Flug,
und dr Werner hockt wieder mit'm Kofferla Richtung Wien im Zug.

Fam Senn Arnold Ursula

Des Wetter letschta Summer wor schuan an Procht,
do hot d'r Arnold und d'Ursula oft aus dem Cabrio aussa g'locht!
Im Porsche Cabrio isch dös schuan a Soch,
do braucht man nit unbedingt a Doch.
Ou huir settats wieder viel Cabrio Fahrtla mocha kenna,
d'rfür lossa miar nou a Böller onbrenna.

Pfeifer Anna

An jeder braucht amol a Veränderung im Leaba,
es muaß decht no eppas anders geaba.
Auf Fiss fohrt die Anna iatz fast jeden Tag,
weils sie da an nuia Arbeitgeber gfunda hot.
Im Schlosshotel macht sie iatz die Gäst alla fit,
hoffentlich kimmt do o an jeder mit.
A Scheiba set fliaga bis aucha aufs Plateau,
und damit schian krocht, schmeisa mar o nou an Böller durcho.

Menghin Manuela

Europa, deas isch an spannender Kontinent,
erschreckt recht, wenn in uam ganz fescht das Reisefieber brennt.
Mitm Zug war die Manuela unterwegs und hat gesecha viele Socha,
ja warum set ma nit amol a Rundreise mocha.
Prag, Berlin und Amsterdam wora dabei,
spannende Städte, viel zum secha und sicher ganz fein.
Historie und modernes fescht vermischt,
hot sicher dazua beitruga, dass dir nit langweilig gwoara isch.
A Scheiba für die iatz nou zum Schluss,
vielleicht fohrsch es negschte Mol ja mitm Bus.

Fam Plattner Wolfgang Angelika

Dr Wolfgang will sich weiterhin in der Politik engagiara,
drum tuat er wieder für'n Gemeinderot kandidiara.
Im Team mit'm Reinhard will er viel erreicha doba in Grins
tiat's enk nu fescht insetza für ins.
Di Angelika muaß den Kassunnti im Kronkahaas verbringa,
mir tia ihr auf dem Weg di beschta Genesungswünsch überbringa.
Dia Leber hot numma ton wie si sett,
und dr Angelika gmocht a heida Gfrett.
Mir hoffa, dass si dein Körper und di nui Leber glei onfreinda kenna,
damit du bold wieder gsund und munter umanonder konnsch renna.
Den Böller schiaß mar für di mit ama heida Knoll,
dass du im Kronkahaas dunta no heara setsch den Holl.

Plattner Christian

Dr Christian isch fleißig bei jeder FF Probe dabei,
danoch a gmiatlichs Bierli des muass jo fost sei.
Wegs uanr Runde Dart da muass ma ihn nit long froga,
lei für ins isch fost Unmöglich ihn zum schloga.
Ma merkt dass er fleißig trainiert,
um sinsch hat er sich ou nit a Scheiba ins Zimmer montiert.
Miar hoffa du losch ins decht amol gwinna,
iatz schau mar dass mar dei Scheiba no Weit oi bringa!

Plattner Kathrin

Letza Wintr hot's Kathrin mit da 2 Bretta zerlegt,
hot aber trotz allem Glück im Unglück kett.
Nur a klune Zerrung wors und deas im Knia
Deas konn alli passiera deas woas ma nia.
Iaz hot Sie sich erst recht a nuis paarli Ski spendiert
sodass sichs für deas Johr so richtig rentiert.
Im Summer hot sie mol a Runde die spanische Luft inhaliert,
dass die Spanier sehr lebensfroh sein hot sie sicher glei kapiert.
Guat dass kuan Spanier mit brocht hosch zu ins
weil deas was dia kenna kenna mir schua long im Tal von Grins.

Traxl Richard

De Scheibn isch aus dr Gluat
mir hoffn es geat im Richard guat.
Gsundheit, Glick und s allerbescht
winschn mir dir heint bei inserm Fescht.
S' Johr 2016 dir des alles bringt
und zum Schluss de Scheibn weit ochi singt.

Kobler Maria

Dia Scheiba tian m'r weit ausitreiba,
g'sund set Maria nou long bleiba.
Dass deas in Zukunft ou gelingt,
an Böller iatz no ganz laut singt.

Fam Kobler Gerald & Gabriele

Wenn in d'r Nachbarschaft steht an Umbau an,
nacha sieht ma in Gerald olli bei die Bauarbeits vorna dran.
Bei d'r Sanierung von d'r Fuierwehrhalle warsch olli dabei,
mit a paar Händ geht die Arbeit glei schneller vorbei.
Mir mechta dir für die tatkräftige Hilf ganz herzlich Danke saga,
und tian a Raketa in Himmel auchijaga.

Perktold Michael

Michael, jedes Jahr deas gleiche G'Frett mit dir,
zum d'rzehla gib't's nix - drum kimm decht amal in die Fuierwehrhalle auf a Bier.
Da kenna m'r ins nacha fein unterhalta,
und deine G'schichta für a Sprichli 2017 verwalta.
Mir tian die no mit am Böller belohna,
weil in Graf tuasch ja olli no ganz gera wohna.

Fam Schlatter Harald Melli

So an Land Rover braucht zum fahra natürlich ou sein Sprit,
lei mit Benzin isch deas Gefährt halt nit so fit.
Beim tanka die Melli gar nit so genau schaut,
es hat ou kuaner g'seaht, dass des Auto eigentlich kuan Benzin verdaut.
G'fahra isch sie schua no bis d'rhuam,
deas Auto isch no auchi gschnurrlt über'n Ruan.
D'r Harry hat deas am nächsten Tag nach'm losfahra aber glei kapiert,
und hat beim Auto nachgschaut, nit dass glei alles explodiert.
Harry, Fuierwehr meacht d'r huira amal an Kalender spendiera,
nit dass du wieder tuasch am falscha Tag dein Müll zum Recyclinghof fihra.
Nacha kannsch d'r die Öffnungszeiten rot markiera,
und muasch in Mull nit durch die Gegend kutschiera.

Fam Schlatter Engelbert Stefanie

An Böller lossa miar als erschtes krocha,
für olles was der Engel und Stefanie fürs Kappali mocha.
Ob sie Kirchtog, Messen oder Adventmorkt arrangiera,
olles tuat bestens funktioniera.
Hobbys hot d'r Engl grad ollerlei,
neben dem Motorradla ou nou d' Holzerei.
Jo und von dena Ausflügge hoba sie an Haufa Fotos reserviert,
weil wenss amol gmiatli isch, weara nocha dia ou nou sortiert.
So geacht enk die Beschäftigung nia aus,
egal ob im oder ausserm Haus.

Nöbl Hannes & Holzknecht Petra

Im Hannes und d'r Petra lassa m'r an glei Böller expoldiera,
und tian enk zur nuia Wohnung gratuliera.
In Muntlix habt's enk niegerg'lassa,
da isch es schian, es wohnt ja ou in oaner ruhiga Gassa.
D'r Hannes hat sich denkt in Vorarlberg schießt jeder mit'm Radli umanand,
da steah i nit nach und schaff m'r an a Radli mit am g'scheita G'wand.
Der Weg in die Schul isch iatz numma b'sonders weit,
jeden Tag fahr'r mit'm Radli und genießt no an d'r frische Luft die Zeit.
Dass deas zammleba ou weiterhin guat gelingt,
a Raketa no in Himmel auchi singt.

Fam Nöbl Ferdinand , Romana

Iatz lossa miar zearsch an Böller vom Brett
weil g'het hot d'r Ferdl letschta März a heida Gfrett.
Hola hat er wella aus da Stauda an Wasserkübel,
dabei isch er aus'gruscht und gfloga über den gonza Hügel.
Im Spitol hot er sich noch wieder guat d'rfonga,
weil verletzt wor er schwarer, wie zearsch ongnomma.
Wenns steil isch, kann ma in d'Sandala holt schlecht stiahn
drum war oft gscheider, ma tat guati Schuach olega giahn.

Kirschner Katharina

Dia Scheiba sell bsunders weit außagiah,
weil iatz bleib mar beir Katharina stiah.
Miar hoffa dir duat´s do douba in Grins guat dauga,
aber drotz dem no ab und zua zu ins ocha schauga.
Diar sett des nuie Johr viel Gesundheit bringa,
und mit ara Rakeita loss mar die Sprichli aus klinga!

Mangott Silvia & Schneider Joachim

Nit leicht isch bei eich a Sprichli zum schreiba,
was wissa miar schua vu enka Leaba und Treiba?
Mir wünschta ins viel mia Information,
a guats Sprichli im negschta Johr war nocha dar Loh.
Für eich schiaßa weit ochi a Scheiba,
gsund setats es ins huira bleiba!

Moschen Norbert & Emilia

Norbert ins isch it klor,
wo du warsch im letschta halba Johr.
An diplomiert Htl-Ingenieur hatta mar beim Umbau der Halle schua braucha
kenna,
a paar Tips vo dir und die Fuirwehrleit tata schua renna.
A Scheiba tia miar iatz nou weit außa treiba,
und tia im gleicha Haus bei dr Anni bleiba.

Moschen Anni

Die Anni sieht ma hausli zur Busholtestell loufa,
und auf Londeck fohra, weil es gibt jo olli eppas zum koufa.
Lebensmittel oder wos ma sinsch tuat braucha,
schleppt si drnoch in ihr Wohnung aucha.
Anni, mir wünsch dir für des kommende Johr,
Gsundheit und Glück, des isch jo klor.

Fam Ruetz Markus Christine

Weiterbildung in dar heintiga Zeit,
isch brutal wichtig sinscht bringsch as nit weit.
Die Christine hat sich deas ganz sicher denkt,
und ihre Zukunft in a spannende Richtung glenkt.
Montessori hoast deas Zauberwort in pädagogischen Belangen,
deas isch abwechslungsreich, und sicher ou kua uanfaches Unterfangen.
So learna die Kinder spielend und selbstbestimmt an Haufa Socha,
und so set Schual sein, informativ und sie set holt ou Spaß mocha.
Eas zwoa kriagats iatz nou a Scheiba aus dar Gluat,
auf dass deas Holzbrett weit fliaga tuat.

Ruetz Johannes

Dr Johannes hot alles andere als a langweiliges Leba,
und sollts ihm vielleicht mal zviel weara muas ers ou heiba.
Im Summer hot er seine Ferialarbeit in Prutz verrichtet,
und hot damit aufn Großteil seiner Ferienzeit verzichtet.
Sportlich isch da Johannes beim SV-Landeck in der 1b dabei,
der Grund sein seine vielen Kollegen - wie kannts andersch sei.
Mittlerweile steht ou bei ihm im Sommer schua die Matura vor der Tür,
viel Ehrgeiz und Glück wünsch mir dir dafür.

Fam Thurner Udo, Evelin

Dr Udo will alli am letschta Stand der Technik bleiba
und kanns gar it darworta
so fohrt er nach Müncha auf die Mess außa zum Schua und mecht det verweila.
Aber oje - es war der falsche Tag ins seim Kalender eintroga
So isch er holt wieder huam zur Evi gfohra.
Und weil die Mess ihn decht interessiert,
isch er am negschta Tag wieder außamarschiert.
Die unnetige Fahrerei - wasch salber - hattesch dr kenna drspora,
mir tia dir und dr Evi auf jeden Fall a Raketa auajoga.

Krabichler Patrick & Scheiber Melanie

Sie Melanie und der Patrick tian in Graf iatz wohna,
und des tian ma mitner Scheiba belohna.
Ja Melanie, was sell ma sogä,
die Feuerwerhler taten an nuia Haarschnitt vertroga.
Den Patrick wear ma schickaniera
und beim BMW den Auspuff blombiera.
Und die Feuerwehr hofft du bisch bereit,
weil mir braucha immer wieder Leit.
A Scheiba fliagt aussı für enk gankz weit,
bis zum negschta Schloga, wünsch ma enk a erfolgreiche Zeit.

Grissemann Stefanie

Dia Scheiba aussı aus der Gluat,
mir hoffa es geahrt da guat.
Weiters well ma di numma long ploga,
und tian diea Scheiba weit aussı joga.

Auer Isabella

Dia Scheiba aussı aus der Gluat,
mir hoffa es geahrt der Isabella guat!
Gsundheit, Glück unds allerbest, wünsch ma dir heint bei inserm Fest.

Bätz Franziska

Mit dia paar Zeila well ma ins amol beschwera,
vu dir kriagt ma ja überhaupt nix zum heara.
In zukunft miassa m`r wahrscheinlich an Spion engagiera
um a paar guate G`schichtla vu dir zu lukreiera.
Mir schicka iatz a Scheiba übern Berg,
auf dass ma im negschta Johr mia vu dir heart.

Fam Walterscheidt Klaus Katrin

Die Familie Walterscheidt tian ma bei ins recht herzlich begriessa,
und ihna a Raketa weit aui schiessa.
Vu Köln sein sie kemma,
und hoba sich vom Thurner Bau oane vu die schianschta Wohnungen kenna nehma.
Der Klaus isch in der Gastronomie vom Fach
und die Kathrin beim Sozialsprengel unterbracht.
Die Emma hats im Kindergarten ganz guat,
und Freind hat sie a schu gnuag.
Mir hoffen enk gfallts in Graf guat,
auf dies mir enk a Scheiba aussu hola aus der Gluat.

Juen Katrin

Dia Scheiba aussu aus der Gluat,
mir hoffa dass es dir no long geiht guat.
Dass mar negschts Johr oh wissa was schreiba,
tuasch im heurigen Jahr, viel Blödsinn betreiba.

Kraxner Erwin & Maria

Zerscht amol wella ma dem Erwin und der Maria fescht gratuliera und zum 80er a
schiane Raketa spendiera.
Als sehr höflich und nett sein sie ins schu bekannt und der Erwin geiht der Evi im
Garten ab und zua zur Hand.
Gsundheit, Glück und`s allerbescht, wünsch ma eich heit bei inserm Fescht.
S` Johr 2016 eich alles bringt und zum Schluss a Raketa in Himmel aussu singt.

Kathrein Anni

Di Anni tuat in ihr Fitness investiara,
und im Vitadom in Brugga daußa fescht trainiara.
Viel Ausdauer und ou a bissli Kroft,
des braucht ma, damit ma den schwarä Olltog schofft.
Di Orbeit spielt für di Anni ou a groaße Rolle,
bei der Raika hot so olles guat unter Kontrolle.

FA HW Bau Graf

Die Firma Hw BAU isch aolla bekohnt
Tol aus - Tol in und im gonza Lond.
An Haufa Socha, wos dia im Baugewerbe olles mocha,
ma heart d'rvon ou nu guiti Socha.
Guat isch, daß es da Firma bei ins do geit,
do hobe miar für ,s Baumaterial nit weit.
An Böller lossa iar iatz nou krocha,
weil Preis tuat ins ou olli an guat mocha.

FA Wille Harald

Zearsch lossa miar iatz a Rakete steiga
Und tian bam Harald stiahn bleiba.
A schiani Scheiba tian miar fütr ihn schloga,
und weiters huire gor nit ploga.
A guats G'schäft und viel Erfolg winscha mir dir
Zum Kassiera kema mir noch eh zu dir.

FA Getränke Wille

Dia Scheiba isch aussu, weit und schian,
iatz bleiba miar beim Getränke Wille stiahn.
Wiet und breit vom Wille die Kunda,
drum drahia seine LKW tog aus - und tog -in ihre Runda.
Bei ihm gibt's zu trinka ollerhond
Drum isch ou insere Getränkelieferant.
Der Wille schaut, daß d'Leit nit verdursta miaßa
Drum tian miar ou nou a Raketa schiaßa.

Autohaus Zangerl

Dia Raketa tuat weit aucha singa,
wos sell des nuie Johr im Roland und im Ingo bringa?
An Haufa Kundschoft olli fort,
am Ende des Johres an Umsatzrekord.
Nit nu viel Orbeit, sondern ou unterm Strich an Gewinn,
weil ersch donn mocht dia Orbeit an Sinn.
Kuane Probleme so wia beim VW,
weil do heart si nocha auf der Schäh.
Miar wünscha enk a Johr ohne Skandal,
nocha louft der Loda sicher phänomenal.

Horvarth Martha

Die nägste Scheiba tia mar aussa schiassa,
und Horvath Martha recht herlich begriessa.
D Martha sieht ma da ganz Summer im Garta sitza,
und bei ra Hitzewella mim Gortaschlauch umaflitza.
Bei der ergsta Hitz ober Martha tua die schona,
dein Gsundheit werds der ollemol belohna.
Die Freid im Gorta set dar no long erholta bleiba,
so lossa mir no a Raketa in a Himmel steiga.

Fam Horvarth Thomas Denisa

Dr Thomas muaß hoba a stressige Zeit
Mir secha die nit auf dr Fuirwehrbaustell, du hoschas decht it so weit.
Oder muasch dahuam schua froga
ob Ausgang kannsch hoba.
Es gibt no gnuag zum tia, kua Bedenka
Kimm vorbei und tua nit long nachdenka.

Fam Horvath Erich Elisabeth

D´ Elisabeth und in Erich hot wieder a Pilgerreise onglocht,
und so hoba sie mitm Bus a Fohrt bis noch Portugal gmocht.
Viel heilige Städte hoba sie auf der Fohrt besucht,
hoffatlich hobas übers lange Sitza im Bus nit gor zoft gflucht.
Mit der Inspiration werd der Erich iatz neue Bilder mocha,
und mir lossa no a Böller in a Himmal krocha.

Fam Berger Mario Christine

Die Familie Berger mehta mar in Graf begrießa,
und wera glei an Böller schiaßa.
Dass mar negschts Jahr ou wissa was schreiba,
tiats im heurigen Jahr, viel Blödsinn betreiba.
Iatz tian ma enk zum Umzug nomal fest gratuliera,
und a tolle Raketa spendiera.

Moldovan Emil

Was sella ma den schreiba, da bisch als Sprichlischreiber wirklich nit zu beneida.
Nuit heart ma und sicht ma, dies isch a gfrett, wenn ma enk lei amol seicha tat, da
oder det.
A Scheiba hol ma aus der Gluat, dass enk immer geahrt guat.

Matt Michael

D`r Michael isch in Graf nit viel am Riess, des wissa miar und sall isch Gwies.
So a Jahr vergeht ganz flott, wenn ma isch in seinem Alltagstrott.
Huira mechta mir die öfters erblicka, nocha kenn ma negscht`s Jahr wieder a
längeres Sprichli schicka.

Narr Hubert

Mir kenna die huira nit viel ploga, weil ma uanfach nit tuat d`rfroga.
Mir wüscha dir no viel Gsundheit,
und a Scheiba joga ma iatz ganz weit.

Pfeifer Melanie

Mir hoffa der melanie tuats in Graf guat gfollla,
drum lass mar glei an Böller knolla.
Mir wissa nit wi tuasch die uma treiba,
drum kenna ma nit viel schreiba.
A Scheiba hol ma aus der Gluat,
dass der immer geht guat.

Fam Nitsche Kurdoglu Gerald Brigitte

Brigitte hot sicher viel gsecha im Leba,
allua mit ama Künstler zomwohna, sall tuat schua dr'geba.
Dr. Gerhard tuat ua noch der andera Ausstellung plana und ummarena
Brigitta weard nocha wieder zomrauma kenna
Dass Karnerwaldele isch olli guat bsuacht,
für enk iatz no a schiane Raketa den Weg zum Himmel sucht.

Fam Schmid Robert Monika

Dem Robert und dr Monika kann ma deas Jahr gratuliera
Und auf dem Weg mechta mar enk ou a Rekata spendiera.
Vor guat 60 Jahr ischas soweit gwest,
da isch gloda gwora zua am groaßa Fest.
Dass heutzutage a Ehe solang hebt isch fast unvorstellbor
Aber bei enk zwoa isch deas wahrhaftig wohr.
Ow beim Umbau der Feuerwehrhalle wor er ganz interessiert
Und isch allapot schaua kema was da passiert.
Für die nächsten Jahr wüscha mar enk viel Gsundheit und Segen
Und weiterhin a glücklich's Eheleben.

Wolf Julia

Die Julia seacha mar huira s'erschte Mal,
drum macht iatz glei an Böller an Knall.
Troffn hot ma di a paar mal bei dr Grafer Kapella letzsch Johr,
bei gmiatlichen zsamstian lernt ma die leit schneller kenna, deas isch ja klor.
Miar mechta die recht herzlich in inserm Dorf begriaßa,
und weara dar iatz de Scheiba außa schiaßa.

Fam Maidel Wilfried & Ofelia Maria

Hochzeit ?

--

Dr Willi und Maria gian viel mit m Lucas spazira
Mitm am kloan kind dahoam muas tuat ma ja gern ou spiela
In dem Olter isch deas isch ja a schiane zeit
Fürs eigene Kind isch ma alli ou bereit.
Egal ob tagsüber oder mittels in dr nacht
S Kind oan immer viel Glick und Stolz hot bracht
D´ Feuerwehr hat keahrt dass du vermietesch an teil vom haus
Und an student geat in de wohnung ein und aus.
Mir winscha enk für´ s huirige johr glick und s´ allerbescht
Und schiaßa de scheiba weit ausi und zwar ganz fescht.

Matt Christian

Als Obmann vom FC Schönwies hot er alls guat im Griff
Drum loss mar iatz an Böller krocha mit ama morz Pfiff.
Die „Tiroler Liga“ isch sein greaschter Stolz, deas tuat nit jedem gelinga,
iatz hoßt die Leistung aber weiterhin ou bringa.
Mir traua dr deas Management ou zu
und schießa a Raketa dazu.

Fam Matt Egon Annemarie

Der Annemarie und dem Egon winscha miar für` s huirige Jahr
viel Glück und Gsundheit!
Miar hoffa dass dia Scheiba was iatz kimmt,
enk nu s` beschte für 2016 bringt!

Ruetz Getrud

Dia negscht Scheiba tian ma der Gertrud verehra,
ou wenn ma vu dir nit tuat viel heara.
Damit dr Gertrud nit langweilig weart,
sorgt fleißig ihr Hund mit dem sie viel geahrt.
Mir wünsch dir iatz nou`s beschte und hoffa, es geahrt dr guat,
auf des dia Scheiba fliaht mit ara schiana roata Gluat.

FA Streng

Mit'm huiriga Schnee wor nou nit viel z'tian,
durh hoba die Loder miaßa in der Garsch drin stiahn.
D'r für sein ober die gelbe Auto wieder am Ries,
beloda mit Eard, Schotter oder Kies.
Dass s'Gschaft guat louft, lossa miar nou an Böller krocha,
und daß dia Bagger ou olli a guati Orbat mocha.

FA Walch + Plangger

In Socha Kanal und Wasser hobas miar z, Graf nit weit,
weil im Streng-Haus hocke darzu di richtige Fochleit.
Nit nu bei ins isch dia Firma bekonnt,
planen tian sie für's gonze Lond.
Und dass dia Projekte ou gut gelinga,
lossa miar zur Scheiba nou a Raketa singa.

Schröcker Evelyn

Der Arbeitgeber vu dar Evelyn hat sich ja leicht abgeändert,
Volksbank Tirol, aber s'Logo hat sich nit verändert.
Ou in diesem Konstrukt isch die Evelyn in ara verantwortungsvolla Position,
wer woas, vielleicht machts sie deas ja bis zur Pension.
Mit dar Volksbank hat die Evelyn an Ausflug gmocht,
miar hoba gkeart in Berlin hats ganz nett krocht.
Alles Gute vu ins und a Scheiba durcha,
dass as weiter so guat louft im nuia Jahr.

Fam Schröcker Hermann & Frida

A schiane Raketa tia miar iatz im Hermann und dr Frida spendiera,
denn sie tia sich für an Kräutergorta interessiera.
Anglegt isch der hinterm Haus, und Frida passt au
dass kua Schnecka kema drau.
Enkre Schätze tiats ins nocha zoga,
wenn ma kema kassiera füs Scheibaschloga.

Bar Melody

Die Bar Melody isch als Treffpunkt immer ganz beliebt,
d'r oane oder andere ganz gera auf a Bierli dahin marschieret.
Bei d'r Bestellung olli an Lacher auf die Lippa,
da tuat ma ganz gera a Bierli kippa.
An guta Kaffe kriagt ma ou alli serviert,
drum iatz no an Böller ganz laut explodiert.

Fam Hotz Martin & Maggi

Dar Martin kimmt mitm Auto ab und zua schneller darhear,
deas isch kua Wunder, isch er decht bei dar Landegger Fuierwehr.
So mancher Vorteil sich damit verbindet,
zum Beispiel, dass ma sich im Mittelpunkt der Information befindet.
Schnell isch ma informiert wo's brennt,
und schua isch ma uaner vu da erscha wo los rennt.
Aber ou für andere Socha kann ma d'Fuierwehr braucha,
kimmt ma decht zum schneida nit auf jeden Boum aucha.
Die Drehleiter löst deas Problem ganz leicht,
weil dia ou auf höchsta Boum aucha reicht.
Martin und Maggie, miar schiaßa enk a Scheiba,
auf dass as enkre Beam nicht zoft miasast schneida.

Nöbl Markus

Iatz loss mar mal a Rakeita on da Himmel aui marschiera,
ou miar dia am Markus zum Strahlenschutz Abzeichen in Silber gratuliera.
Des viele lernen hat sich für die voll rentiert,
die Prüfung hosch du pravorös absolviert.
Im Fria Johr hot ma die gseicha mit oll deine Socha,
da Umzug nach Grins in die nuie Wohnung aui mocha.
Zum Schluss wella mar no danke für die Unterstüzung im Hallen Umbau sogu,
iatz wear no dei Scheiba weit oi schloga!

Horvath Patrick

??

Dia Scheiba was iatz weit aussu geht, hot dem Patrick keahrt.
Als Funkatapper tuasch die Gald verdiana, und wenn amol Zeit hosch,
kanntsch ou da Feuerwehr diena.
Mir lossa dir o uno an Böller krocha,
vielleicht gibt's s` negscht Johr, eppas zum locha.

Berka Michael

Mir wissa nit was trieba hosch im letschta Johr,
wia sella mir was über die schreiba, isch decht klar.
Drum stell amol was on,
dass ma negschts johr ou was schreiba kann.

Hotz Monika

Die Monika hat` s ins mit` m schreiba Huira ou schwar gmacht,
iatz schreib mar halt aso schiane Worte,damit ma mitnander a bissli lacht.
Auf dass die im huiriga Jahr ou alles gelingt,
deine Scheiba hoffentli weit ausi singt.

Hotz Beate

Bei der Beate haba miar Huira ou nix derfragt,
drum weard sie vu ins it gar aso plagt.
Miar hoffa deas huirige Jahr weard schia und guat,
und dei Scheiba fliagt weit, mit ara schiana Gluat.

Hotz Hannes

Beim Hannes wissa miar Huira it gar aso viel zum berichta,
drum kenna miar ihn mit am Sprichla lei ganz schwar ausrichta.
Miar hoffa es hat di guat,und es isch alles klar,
und dia Scheiba was iatz für die kimmt geat weit durchah.

Fam Hotz Oskar Edith

Der Familie Hotz wunsch mar für` shuirige Jahr,
nu s` beschte, deas isch ja klar.
Miar hoffa eas tiat`s enk di Zeit guat vertreiba,
und tiat`s es mit der Arbeit in der Pension it übertreiba.
Di nägschte Scheiba probiera miar iatz ganz weit zum ausitreiba,
damit eas ins tiats gsund bleiba.